



# Universiteit van Pretoria Jaarboek 2017

## LLM Handelsreg (Gedoseer) (04252006)

**Duur van studie** 2 jaar

**Totale krediete** 200

**Kontak** Dr R Brits [reghard.brits@up.ac.za](mailto:reghard.brits@up.ac.za) +27 (0)124205419

### Programinligting

Sluitingsdatum vir aansoek: SA aansoekers – 30 November; nie-SA aansoekers – 31 Augustus.

Hierdie program is beskikbaar vir internasionale studente.

#### Duur

Die duur van die graadprogram is normaalweg vier semesters (2 jaar) met dien verstande dat die graad wel in twee semesters (1 jaar) voltooi kan word mits aan al die vereistes vir die voltooiing van die graad voldoen is, onderhewig daaraan dat die volle voorgeskrewe klasgelde vir die LLM-grad betaal is. Programme mag ook spesifiek vir een jaar studie gestruktureer word. Die een- of tweejaarperiode mag slegs deur die Nagraadse Komitee verleng word op aanbeveling van die Departementshoof, en indien goeie rede aangetoon word en dit duidelik is dat die student binne 'n verdere jaar van studie die program sou kon voltooi.

Behalwe as anders aangedui, word die leergang normaalweg as volg saamgestel:

- Drie modules wat elk 30 krediete tel (ten minste een van die modules moet gedurende die eerste jaar van registrasie voltooi word).
- 'n Module in Navorsingsmetodologie (RHP 801) wat 5 krediete tel (hierdie module moet gedurende die eerste jaar van registrasie voltooi word).
- 'n Navorsingsvoorstel (RHP 803) wat 5 krediete tel. Die student moet die navorsingsvoorstel (RHP 803) nie later nie as die einde van die eerste semester van die tweede jaar van registrasie vir die LLM-grad, en voor met die skryf van die miniverhandeling begin word, by die studieleier indien. Sodanige tydperk kan met die goedkeuring van die betrokke departementshoof verleng word.
- 'n Miniverhandeling word vereis. Die eksamenkopie van die miniverhandeling moet nie later nie as einde Oktober vir die Herfspromosieplegtigheid, einde April vir die Lentepromosieplegtigheid en einde Augustus vir die Desemberpromosieplegtigheid by Studenteadministrasie ingedien word. Na goedkeuring van die eksamenkopie van die miniverhandeling moet die finale weergawe op of voor 15 Februarie vir die Herfspromosieplegtigheid, 15 Julie vir die Lentepromosieplegtigheid en 15 November vir die Desemberpromosieplegtigheid by Studenteadministrasie ingedien word. Sodanige miniverhandeling moet handel oor die vakinhoud van een van die modules of 'n kombinasie van die modules waarvoor die student vir sy/haar LLM-grad geregistreer is. Enige versoek vir 'n verlenging van die tydperk vir indiening van die miniverhandeling mag net deur die Nagraadse Komitee op aanbeveling van die betrokke departementshoof toegestaan word.

### Toelatingsvereistes

'n LLB BProc of gelykwaardige kwalifikasie van 'n buitelandse universiteit wat toelating tot die regsprofessie verleen.



*Inligting slegs in Engels beskikbaar.*

## Addisionele vereistes

*Hierdie inligting is slegs in Engels beskikbaar.*

### General admission requirements

In addition to an LLB, BProc or equivalent qualification from a foreign university that allows the applicant entrance to the formal legal profession, the following requirements are set for admission of a prospective student to the LLM Coursework programme:

A minimum average mark of 65% with respect to the prescribed final-year modules of the undergraduate programme is required for admission to an LLM coursework programme.

Where an average of below 65% is achieved, the student may be admitted on recommendation of the relevant head of department after consultation with the programme coordinator and consideration of other merits (eg relevant professional experience; the applicant's performance in undergraduate modules related to the particular LLM; the candidate's performance in independent research essays or similar components) and/or an admission examination.

Linguistic competence, primarily in English; foreign applicants who did not complete undergraduate studies through the medium of English must show proof of competence in English at a minimum average level of 6 out of 10 for IELTS or a minimum total score of 83 in TOEFL calculated as follows: reading 21, listening 17, speaking 23 and writing 22. In any other instance where there is doubt as to the English linguistic competence of an applicant, the Dean may require the same proof as prescribed for foreign applicants.

Foreign qualifications are subject to SAQA evaluation. (Some LLM coursework programmes or modules as indicated in the yearbook may only be available to students who hold a relevant South African legal qualification.)

Even though a student may comply with the above requirements, the Dean may, on the recommendation of the head of department presenting a specific degree or module, refuse to accept a prospective student for any LLM programme if such a student's performance in the chosen modules or field of study during undergraduate study was not satisfactory. Alternatively, the Dean could set additional requirements with a view to admission

An admission examination may also be required in respect of a particular programme or module.

Particular LLM programmes have additional selection criteria and deadlines specific to those programmes

## Ander programspesifieke inligting

1. Een van 'n voorgeskrewe lys van modules mag vervang word met enige ander gedoseerde LLM-module soos aanbeveel deur die betrokke programkoördineerder en goedgekeur deur die departementshoof.
2. Slegs studente met 'n Suid-Afrikaanse LLB of BProc mag vir sekere modules registreer.
3. Die miniverhandeling moet 13 000-15 000 woorde beslaan- voetnote ingesluit maar die inhoudsopgawe en bibliografie uitgesluit.
4. Die volgende is moontlike keusemodules vir hierdie graad, maar nie al die modules word elke jaar aangebied nie. Kontak asseblief die fakulteit om uit te vind watter van die modules aangebied word.

Drie van die volgende modules moet gekies word:



GSR 802 Gevorderde sosiale sekerheidsreg (30 krediete)  
ITL 801 Gevorderde inkomstebelasingreg (30 krediete)  
TBL 802 Gevorderde transnasionale besigheidsreg [voorvereiste: TBR 420] (30 krediete)  
BNK 802 Bankreg (30 krediete)  
KUB 802 Inligting- en kommunikasietegnologiereg (30 krediete)  
IDT 802 Indirekte belasting (30 krediete)  
IIL 801 Internasionale insolvensiereg (30 krediete)  
SKC 802 Spesifieke kontraktereg (30 krediete)  
SCL 801 Statutêre mededingingsreg (30 krediete)

## Eksamens en slaagvereistes

Behalwe met goedkeuring van die Nagraadse Komitee word geen student toegelaat om sy/haar studies voort te sit in die geval waar geen modules tydens 'n spesifieke jaar van registrasie geslaag is nie.

Hoewel geen hereksamen met betrekking tot LLM-modules toegestaan word nie, geld die Algemene Regulasies (Regulasie G.12.3 en G.12.6) met betrekking tot spesiale en aanvullende eksamens.

## Navorsing

Die betrokke departementshoof moet 'n studieleier en onderwerp vir 'n mini-verhandeling aanbeveel vir goedkeuring deur die Nagraadse Komitee. Die mini-verhandeling moet geassesseer en afgehandel word soos vervat in die LLM Beleidsdokument van die Fakulteit soos goedgekeur deur die Fakulteitsraad.

Waar 'n miniverhandeling vereis word, moet dit ingedien word in die formaat soos deur die studieleier bepaal en deur die Nagraadse Komitee goedgekeur. Die studieleier mag insgelyks en onderhewig aan die goedkeuring van die Nagraadse Komitee die navorsingsonderwerp en die bestek van die beoogde navorsing bepaal.

## Slaag met lof

Ten einde die graad met lof te verwerf, moet 'n student 'n gemiddelde van minstens 75% in al die gedoseerde modules behaal, sowel as 75% vir die miniverhandeling. Die gemiddelde vir die modules moet tydens die eerste eksamenpoging behaal word.

## Algemene inligting

### Taalbeleid

Die onderrigtaal is Engels, maar waar omstandighede dit toelaat, kan 'n LLM-module in Afrikaans aangebied word. Die Dekaan, in oorleg met die betrokke departementshoof, bepaal die taalbeleid.

### Tydperk van inskrywing

Studente moet wanneer die betrokke module 'n aanvang neem, ingeskryf wees en die bepaalde module se lesings bywoon. Andersins moet die betrokke studieleier en departementshoof se toestemming verkry word, alvorens 'n student toegelaat sal word om 'n bepaalde module in 'n ander studiejaar te doen.

### Beperking met betrekking tot aanbieding van modules in 'n spesifieke akademiese jaar en beskikbaarheid van modules vir buitelandse studente

Die Dekaan bepaal jaarliks watter modules die betrokke jaar aangebied sal word met inagneming van die



besikbaarheid van doserende personeel, ruimte- en finansiële implikasies en/of ander omstandighede. Voorts mag die Dekaan, in oorleg met die betrokke departementshoof, die maksimum aantal inskrywings vir 'n bepaalde keusemodule bepaal aan die hand van die voorgeskrewe riglyne bepaal. Die Dekaan mag verder, in oorleg met die betrokke departementshoof, besluit dat 'n LLM-module nie aangebied sal word waar daar op die eerste dag van lesings vier of minder studente vir die module geregistreer is nie.

In die geval van buitelandse studente kan die Dekaan addisionele vereistes stel en die beskikbare modules vir hierdie studente mag ook beperk word.

### **Vervanging van modules**

Die Dekaan mag, op aanbeveling van die betrokke departementshoof, 'n student toelaat om een voorgeskrewe LLM-module vir 'n bepaalde LLM-program deur 'n ander LLM-module te vervang waar sodanige uitsondering nie andersins toegelaat word nie en indien goeie rede vir sodanige uitsondering aangetoon word.

### **Erkenning van modules wat aan 'n ander instansie voltooi is**

Die Dekaan mag op aanbeveling van die betrokke departementshoof 'n student met 'n maksimum van twee modules wat aan 'n ander instelling voltooi is, krediteer mits dit aan die vereistes van hierdie Fakulteit voldoen. Waar sodanige modules nie dieselfde benaming het as modules wat deur hierdie Fakulteit aangebied word nie, kan krediet in die plek daarvan verleen word aan modules met wesenlik dieselfde inhoud soos deur die betrokke departementshoof bepaal, of, in die afwesigheid van sodanige nou-verwante modules, kan krediet verleen word aan modules wat steeds relevant is binne die breë spektrum van 'n spesifieke LLM-graad en onder spesiale kodes vir die doeleindes van sodanige graad. Bykomende vereistes mag gestel word alvorens enige sodanige module erken word ten einde voldoening aan die vereistes van hierdie Fakulteit te verseker.

### **Erkenning van nie-regskomponente**

Ten einde te kwalifiseer vir 'n LLM-graad met nie-regskomponente kan hoogstens een van die modules wat uit verbandhoudende nie-regskomponente bestaan, erken word met spesiale toestemming van die Fakulteitsraad. Neem kennis dat geen erkenning verleen sal word aan modules wat deel vorm van 'n graad waarvoor die student reeds aan die graadvereistes voldoen het, of waar die student gelyktydig vir meerdere grade geregistreer is nie.

### **Herregistrasie vir modules**

'n Student mag nie meer as twee keer vir dieselfde module registreer nie. 'n Finale punt van 50% moet behaal word ten einde 'n module te slaag.



## Kurrikulum: Jaar 1

Minimum krediete: 200

### Kernmodules

#### Gevorderde inkomstebelasingreg 801 (ITL 801)

**Modulekrediete** 30.00

**Voorvereistes** Geen voorvereistes.

**Kontaktyd** 2 lesings per week

**Onderrigtaal** Afrikaans en Engels word in een klas gebruik

**Akademiese organisasie** Handelsreg

**Aanbiedingstydperk** Semester 1 of Semester 2

#### Module-inhoud

(a) Die basiese beginsels van bruto inkomste (b) Spesifieke insluitings in bruto inkomste – rente, tantième, ens (c) Algemene beginsels van toelaatbare aftrekkings (d) Voorbeelde van toelaatbare en nietoelaatbare aftrekkings en ontduikingshuur, verbeterings, tantième, ens (e) Belastingvermyding en -ontduiking soos van toepassing onder die Inkomstebelastingwet (f) Beswaar en appèlprosedures

#### Navorsingsmetodologie 801 (RHP 801)

**Modulekrediete** 5.00

**Voorvereistes** Geen voorvereistes.

**Kontaktyd** 8 seminare

**Onderrigtaal** Module word in Engels aangebied

**Akademiese organisasie** Regsleer

**Aanbiedingstydperk** Semester 1 of Semester 2

#### Module-inhoud

(a) Beplanning en organisering van 'n navorsingsprojek (b) Konsep navorsingsvoorstel: Hipotese en navorsingsvraag (c) Teorie in navorsing en metodologiese benaderings tot regsnavorsing (d) Taal (e) Verwysing en die etiek van verwysing (f) Konsephoofstukke en afronding

#### Spesifieke kontraktereg 802 (SKC 802)

**Modulekrediete** 30.00

**Voorvereistes** Geen voorvereistes.

**Kontaktyd** 2 lesings per week

**Onderrigtaal** Afrikaans en Engels word in een klas gebruik

**Akademiese organisasie** Handelsreg

**Aanbiedingstydperk** Semester 2



### Module-inhoud

A. Koopreg 1. Algemene beginsels 2. Capita selecta uit: (a) Geskiedkundige oorsig van die koopkontrak (b) Metodes om die koopprys en koopsaak te bepaal (c) Formaliteitevoorskrifte by die verkoop van grond (d) Die Actio Empti, Actio Redhibitoria en Actio Quanti Minoris (e) Oorgang van eiendomsreg en waarborg teen uitwinning (f) Betaling van die koopprys: opskortende voorwaardes (g) Risiko-leerstuk B. Huurreg 1. Algemene beginsels 2. Capita selecta uit: (a) Aard van die huurkontrak (b) Essentialia (c) Huurbehuisingwet 50 van 1999: aard en bevoegdheids van 'n huurbehuisingstribunaal (d) Verpligtinge van die verhuurder en die huurder (e) Remedies van die verhuurder en die huurder (f) "Huur gaat voor koop" (g) Verbeterings aan die huursaak: regte, verpligtinge en remedies C. Aspekte van borgstelling en verteenwoordiging

### Indirekte belasting 802 (IDT 802)

**Modulekrediete** 30.00

**Voorvereistes** Geen voorvereistes.

**Kontaktyd** 2 lesings per week

**Onderrigtaal** Afrikaans en Engels word in een klas gebruik

**Akademiese organisasie** Handelsreg

**Aanbiedingstydperk** Semester 2

### Module-inhoud

(a) Basiese werking van die BTW-wet (b) Uitsetbelasting (c) Insetbelasting (d) Vrygestelde lewerings (e) BTW-vrye lewerings (f) Aanpassings vir verandering in gebruik (g) Beswaar en appèlprosedure onder die BTW-wet

### Miniverhandeling 800 (MND 800)

**Modulekrediete** 100.00

**Voorvereistes** RHP 801 en RHP 803

**Onderrigtaal** Afrikaans en Engels word in een klas gebruik

**Akademiese organisasie** Regsgeleerdheid Dekanskantoor

**Aanbiedingstydperk** Jaar

### Module-inhoud

(a) Die student moet 'n navorsingsvoorstel gedurende die eerste jaar van registrasie ten opsigte van die LLM-graad by sy/haar studieleier inhandig alvorens daar begin kan word met die skryf van die miniverhandeling. (b) 'n Miniverhandeling (MND 800) moet bestaan uit 13 000 tot 15 000 woorde insluitend die voetnotas maar die inhoudsopgawe en die bibliografie uitgesluit. Die miniverhandeling moet by die promotor ingehandig word nie later nie as Augustus van die tweede jaar van registrasie vir die LLM-graad. Die miniverhandeling moet handel oor die vakinhoud van een of 'n kombinasie van die LLM-modules waarvoor die student geregistreer is. 'n Versoek ten opsigte van die verlenging van die tydperk vir indiening van die miniverhandeling kan slegs deur die Dekaan verleen word, op aanbeveling van die LLM-komitee.

### Navorsingsvoorstel 803 (RHP 803)

**Modulekrediete** 5.00

**Voorvereistes** Geen voorvereistes.



**Onderrigtaal** Afrikaans en Engels word in een klas gebruik

**Akademiese organisasie** Regsgeleerdheid Dekanskantoor

**Aanbiedingstydperk** Jaar

### Module-inhoud

Ontwikkeling en voordrag van 'n navorsingsvoorstel. ('n Navorsingsvoorstel moet in die eerste semester van die tweede studiejaar by die studieleier ingedien en aanvaar word alvorens die student toegelaat sal word om vir die miniverhandeling te registreer.)

## Statutêre mededingingsreg 801 (SCL 801)

**Modulekrediete** 30.00

**Voorvereistes** Geen voorvereistes.

**Kontaktyd** 2 lesings per week

**Onderrigtaal** Afrikaans en Engels word in een klas gebruik

**Akademiese organisasie** Handelsreg

**Aanbiedingstydperk** Semester 2

### Module-inhoud

Hierdie module sal studente 'n gedetailleerde kennis en begrip van die onderliggende beleid en diverse bepalinge van die Wet op Mededinging 89 van 1998 (soos gewysig) gee sowel as praktiese leiding verskaf ten aansien van die toepassing daarvan. Die volgende aspekte sal binne die konteks van vergelykende mededingingsreg behandel word: (a) Inleiding tot mededingingsbeleid, jurisdiksie en die strukture van mededingingsowerhede (b) Ekonomiese aspekte van mededingingsreg (c) Relevante aspekte van markte en markkrag (d) Horisontale ooreenkomste en beperkende horisontale praktyke (e) Vertikale ooreenkomste en beperkende vertikale praktyke (f) Misbruik van dominansie (g) Die Wet op Mededinging en prysvasstelling (h) Aansoeke om vrystelling (i) Assessering van samesmeltings (j) Regulering van samesmeltings: regs- en prosedurele aspekte

## Bankreg 802 (BNK 802)

**Modulekrediete** 30.00

**Voorvereistes** Geen voorvereistes.

**Kontaktyd** 2 lesings per week

**Onderrigtaal** Module word in Engels aangebied

**Akademiese organisasie** Handelsreg

**Aanbiedingstydperk** Semester 2

### Module-inhoud

'n Gevorderde studie oor bankreg en die regulering van banke.

## Internasionale insolvensiereg 801 (IIL 801)

**Modulekrediete** 30.00

**Voorvereistes** Geen voorvereistes.



---

<b>Kontaktyd</b>	2 lesings per week
<b>Onderrigtaal</b>	Afrikaans en Engels word in een klas gebruik
<b>Akademiese organisasie</b>	Handelsreg
<b>Aanbiedingstydperk</b>	Semester 1 of Semester 2

#### **Module-inhoud**

Die module behels 'n capita selecta uit aktuele aspekte met betrekking tot internasionale insolvensiereg. Aspekte wat behandel word sluit in: (a) Moderne tendense en ontwikkelings in insolvensiereg (b) Hedendaagse kwessies in internasionale insolvensiereg (c) Transnasionale insolvensieregstelsels in Suid-Afrika en in sekere ander jurisdiksies

### **Inligting- en kommunikasietegnologiereg 802 (KUB 802)**

<b>Modulekrediete</b>	30.00
<b>Voorvereistes</b>	Geen voorvereistes.
<b>Kontaktyd</b>	2 lesings per week
<b>Onderrigtaal</b>	Afrikaans en Engels word in een klas gebruik
<b>Akademiese organisasie</b>	Handelsreg
<b>Aanbiedingstydperk</b>	Semester 1 of Semester 2

#### **Module-inhoud**

Hierdie module bied studente 'n gedetailleerde kennis en begrip van die onderliggende teorie en diverse bepalinge van toepaslike internasionale en plaaslike wetgewing, sowel as praktiese leiding in die toepassing daarvan. Die volgende aspekte word binne die konteks van gevorde kuberreg inligting- en kommunikasietegnologiereg behandel: (a) Algemene inleiding tot internasionale en plaaslike inligtingtegnologiereg (b) Algemene beginsels van internasionale en plaaslike elektroniese kontraksluiting (c) Capita selecta uit die elektroniese doen van sake: aanlyndobbelary, vendusies en die verkoop van beperkte goedere, elektroniese betalingsmetodes en digitale hantering van banksake/finansiële dienste (d) Verbruikersbeskerming (e) Privaatheid en databeskerming (f) Vryheid van spraak op die Internet (g) Kubermissdaad (h) Elektroniese uitdagings vir kopiereg (i) Domeinnaamregulering, -beheer en geskilbeslegting (j) Internetdiensverskaffer (IDV)-regte, -pligte en -aanspreeklikheid





## Kurrikulum: Finale jaar

Minimum krediete: 200

### Kernmodules

#### Miniverhandeling 800 (MND 800)

**Modulekrediete** 100.00

**Voorvereistes** RHP 801 en RHP 803

**Onderrigtaal** Afrikaans en Engels word in een klas gebruik

**Akademiese organisasie** Regsgeleerdheid Dekanskantoor

**Aanbiedingstydperk** Jaar

#### Module-inhoud

(a) Die student moet 'n navorsingsvoorstel gedurende die eerste jaar van registrasie ten opsigte van die LLM-graad by sy/haar studieleier inhandig alvorens daar begin kan word met die skryf van die miniverhandeling. (b) 'n Miniverhandeling (MND 800) moet bestaan uit 13 000 tot 15 000 woorde insluitend die voetnotas maar die inhoudsopgawe en die bibliografie uitgesluit. Die miniverhandeling moet by die promotor ingehandig word nie later nie as Augustus van die tweede jaar van registrasie vir die LLM-graad. Die miniverhandeling moet handel oor die vakinhoud van een of 'n kombinasie van die LLM-modules waarvoor die student geregistreer is. 'n Versoek ten opsigte van die verlenging van die tydperk vir indiening van die miniverhandeling kan slegs deur die Dekaan verleen word, op aanbeveling van die LLM-komitee.

#### Navorsingsvoorstel 803 (RHP 803)

**Modulekrediete** 5.00

**Voorvereistes** Geen voorvereistes.

**Onderrigtaal** Afrikaans en Engels word in een klas gebruik

**Akademiese organisasie** Regsgeleerdheid Dekanskantoor

**Aanbiedingstydperk** Jaar

#### Module-inhoud

Ontwikkeling en voordrag van 'n navorsingsvoorstel. ('n Navorsingsvoorstel moet in die eerste semester van die tweede studiejaar by die studieleier ingedien en aanvaar word alvorens die student toegelaat sal word om vir die miniverhandeling te registreer.)

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.